

八瓊室金石補正

八瓊室金石補正卷八十六

男 繼輝校錄

太倉陸增祥撰

吳興劉承幹覆校

宋五

善才寺觀音院記

高四尺五寸廣二尺六寸五分廿五行行
字不一字徑寸許行書額失拓在禹州

善才寺觀音院記

宣補鎮遏使陽睢撰

梁文素書并篆額

二行在
標題下

佛教興也像宇設也盡河沙香蓮法無二門□□界□

□心等一味言□□□者缺接引群生開悟解脫超

躋至真視于龕堵精苑缺輓車肆莊嚴之□□□□觀

相缺申下執□□本識□為教化之漸津梁□要自此

□深之□宗建□□蓋□有為之教□朝□□□

聞也屬天宗之有天下□□二□即□□日

改太平興缺□上文武哲睿明于萬邦寬□仁惠臨于

百姓虔奉宗廟靈□敬受元□式訓□出雷□

□□品物心□交□康睦中外叶暢□□育周文恤

忍虞舜孝言缺鞠養缺柔服□懷遠也樂□老□□微

海隅曹□□□徂□□□容隣南道煙邱涉西沙

流河陟北□幽崖壤□覆載缺天休□助

明德陶然大化□不知缺繇是行□□觀缺國

今爲□馬□□比差勝槩不□依慕缺乾之曲昇□東

魯缺懸楣□檀老□西□□戶有觀音院者缺寺之幽

□□缺劣缺摩□盡缺僧法名從軌者缺太原聖俱之

寺受業也缺唯安缺爽基□發□□夫創置之迹洪大

之事缺□太平□立茲院□寺之缺塵□□□薛盈堦

□堂厨已□□□□未構況定水之金可萃香山之材

可鳩缺之□亦以□缺□□□從勸引者風馳隨喜捨

者草偃缺之役□畚鍤缺藻枕□□斧斤□合□點朱

直繩缺机□札□楠排差□翠缺入晴□□□奔缺五

十□有餘廊宇一□間缺金倦一缺嚴出世神縱絕智

□□□新俾遊從者目□皈依者心悅缺妙申缺□□

□自資於 清世□日□寶者缺毛者得缺萬端共

後工貳叁億即乃□也笠展兩□□□勤□□□主結

綠□也缺餽□也鄙陋斐辭慚為直紀 大宋溥化

元年歲次庚寅伍月缺

儒林郎守許州陽翟縣令張結明一□仕郎守許

□陽翟縣主簿張用□ 將仕郎缺 內品監許

州陽翟縣鹽麴商稅鄆返遇 殿前承旨監許州

陽□縣鹽麴商稅董訓 文林郎 缺 供奉官前

監□州陽翟縣鹽麴商□李繼遠 缺 郎前守許

州陽翟縣尉王從一 當寺 缺 仁美刊 在首行下

右善才寺觀音院記宣補鎮遏使陽賸撰梁文素書

碑末列名自陽翟縣令主簿尉而外有內品監許州

陽翟縣鹽麴商稅鄭延遇殿前承旨監許州陽翟縣

鹽麴商稅董□供奉官前監許州陽翟縣鹽麴商稅

李繼□三人攷宋史百官志內品乃內臣敘遷官而

東西頭供奉官則武臣敘遷官也殿前承旨之名不

見於史疑即所謂內殿承制者視供奉官差貴爾然

一縣之小而監當鹽稅者不一其員又以内侍武夫充之民其不堪命乎陽翟縣今為禹州隸開封府潛研

堂跋
尾

陽岐訪碑錄誤作楊

脩北嶽安天王廟碑

高九尺廣四尺九寸三十四行行六十八至七十二字不等字徑一寸二分行書篆額題大宋重修北嶽安天王廟之碑
十二字在曲陽

大宋重修北嶽安天王廟碑銘并序

承奉郎守左司諫知制誥柱國賜紫金魚袋臣王

禹偁奉

勅撰

翰林待 詔將仕郎守少府監主簿 御書院祔候

賜緋魚袋臣黃 仲英奉 勅書

翰林書直將仕郎守高州樂原縣主簿 御書院祔

候臣葛 湍奉 勅題額

臣聞元氣胚渾結而爲山嶽幽靈昉蠶降而爲神祇矧
乎地屬陰方位居水德于八卦在坎于四時爲冬固陰
冱寒萬物之所藏伏早生晚熟五穀之所蕃滋帝堯開
唐國之封大禹奠冀州之域厥有巨鎮茲惟恒山却鴈
塞以標雄壓龍荒而挺秀天官畫野勢當昂畢之星易
象流形名叶雷風之地下乾坤軸高摩斗魁土俗粹靈

登神仙者七十戶歲時祈禱置侍祝者九十人藏蘭子
之寶產昌容之蓬蓽足陳長城之窟影連大漠之墟
積厚窮陰出雲見惟雪霜風雨潛施及物之功泰華嵩
衡共揭忝天之勢直是陰陽孰無主張洪惟 嶽神受
命

上帝代南趙北我實主之福善
禍淫人皆仰止名載乎祀典德加乎生民視秩于公遵
周制也列爵爲王肇唐室也既奉時祀亦禳天灾凡水
旱癘疫之秋舉玉帛牲牷之事必有昭報誕荷至誠歷
代奉之其來尚矣

我法天崇道皇帝之撫運也天祚

明德民懷

有仁括禹畫於無垠

化堯封於比屋雕題

儋耳駢羅入

正會之圖傑休兜羅沸渭雜宮懸

之曲

文德麗星辰之象

武功彰雷電

之威

宋文帝之讀書則七行俱下

周武

王之振旅則一戎大定然猶

焦勞剋己

宵旰臨民每戰、兢、念元、本、

師冀舜之無怠

法文王之猶勤至若

掖庭椒房儉約中

度離宮別館行幸殊稀隆冬

御裘則念高年之

無褐于是乎有綰帛之賜當暑

操扇則軼下獄

之非辜于是乎有縲紲之思非

菟苗獮狩之時

無馳騁畋獵之事非

朝會讌饗之日無金石絲

竹之音歲出

御題親考貢籍拔造士之秀也日

坐便殿躬覽庶政達窮民之情也向者恒文告差

御端門而引各故一夕而幸彗沈

宋景

之退災惑也大旱作沴貶常膳而責躬故崇朝而霖雨

降

湯王之禱桑林也

拒后之罪已也既如彼

上元之祐善也又如此

易所謂聖人久于其道而天下化成語所謂如有王者

必世而後仁其是之謂乎不然何

寅畏天命

艱難王業若斯之甚邪于是庶政交修百神蠲潔

嚴祭祀而爲人所禱

行教令而先天弗

違

菲飲食而厚牲醪天神地祇享至誠之薦

卑宮室而崇廟貌名山大川啓必葺之祠豈比夫
禋于六宗未洽禮神之義祀于五時但萌微福之心墜
典無文

我能具舉矧茲陰嶽固有徽章華袞珠

旒受王者之冊禮太牢秬鬯命守臣而行事下邇元真
之宅旁隣黑帝之居因道武之基局舊推宏壯輶慕容
之珪璧素彰神異祠祀之盛莫之與京然而運有汗隆
時有興廢雖无方之體奚注不通而有象之軀未逃其
數先是甸奴之犯塞也來詣祠宇卜其吉凶不從猾夏

之心遂縱燎原之火殊不知天惟輔德神實依人乏祀
虐民自作敗亡之計彼曲我直坐觀盪覆之期

聖上猶示

含容更期

柔服戢

天

威而自守蓋民力之是寬單于之火照甘泉豈傷

文帝頡利之兵陳渭水未累

太宗亟命有司惟新

大壯烏臺御史持節而庀徒黃門貴人鳩工而蒞事榱
桷杞梓以雲集繩墨斧斤而子來五材寔繁百堵皆作
乃復堂殿于以儼像設之睟容乃興廊廡于以列徒御
之繪事門闕有翼階陛斯隆繡栢雲楣牙曜煙霞之色
璇題藻井交含日月之光旌旗衣服昭其文簠簋豆邊

陳其數能事畢矣神功煥然不憊揆日之期再聳凌雲
之勢于是戒尸祝命使臣我將落之神用至止原享惟
馨之奠永安不測之靈三獻具而禮成八音和而神降
溪雲拂檻如絳節以翔空山溜垂簷誤鳴珂之振響不
爾繁祉庇我邊民況獷俗之未平異陰兵而助順或示
之禍福革彼豺狼之心或鼓以雷霆勦其犬羊之類然
後雨我禾黍潔尔粢盛鑄農器而毀戈鋌荐興多稼耕
邊田而飽士卒永樂豐年況今將相叶謀人神共忿豈
使韓昌張猛刑白馬而登東山將令去病衛青取金人
而踰北海何往不利何謀不感尙思魏絳之言更鑒王

惺之樂

安民和衆契天地以爲心

含垢

匿瑕諒神明之降鑒仁靈臺之偃栢備

法駕以

省方

千年南面之尊永知高枕十月北巡之禮盡舉彛章輶
五瑞於公侯問百年之耆艾燔柴奠玉如西嶽之禮容
陳詩觀風察北方之哀樂聲明文物以咸備律度量衡
而必同升中于絕巖之前肆觀于重巒之下起白雲而
表瑞何止岱宗呼 萬歲以効靈豈惟嵩嶽而已
扶夫如是則封狼居而禪姑衍但恃窮兵臨瀚海而勒
燕然未爲禪武者也臣沐浴

皇澤優遊紫垣請終軍之纓非無壯節投班超之筆尙
負明時慙非擲地之才有玷它山之石謹爲銘

曰

節彼恒山峻極于天崛起萬仞生乎一

拳摩穹曼漢控趙排燕人皆仰止

神或憑焉明之歎神上帝所授不騫不

崩可大可久其誰祭之

皇宋指后其誰尸之中山郡守秩視公

芳爵爲王金其几芳玉其床何以贈之芳赤

紉斯皇何以處之芳峻宇雕墻諒聰明芳無

得喪

維廟貌方有興亡

嗟眸容方盪毀

遇醜虜方猖狂

物成敗方有數

神杳冥方無

方

雖像設方云壞

于精靈方靡傷

詔新

斯廟

表匈奴之不道

詔祠爾神彰

皇家

之至仁

天輔德方我有慶

鬼害盈方胡無人

絕代馬之南牧

揚和鑾方北巡

有効靈

之雲物

無出塞之秋氛

齊泰山方等梁甫

並亭、方接云、

飛英聲方騰茂實

握乾

符方闡坤珍

垂千齡方萬祀

永昭德于

吾君

淳化二年歲次辛卯八月丁卯朔九日乙亥建

忠果雄勇宣力功臣定武軍節度定州管內觀察處
置北平軍等使金紫光祿大夫檢校太保使持節定
州諸軍事定州刺史兼御史大夫上柱國兼駐泊馬
步軍都部署清河郡開國公食邑四千二百戶食實

封陸伯可張

訓

此行小正書在
年月下方左偏

右重修北嶽安天王廟碑先時契丹入塞縱火焚嶽
廟太宗出帑儲令有司重新之工成敕王禹偁撰文
禹偁時以左司諫知制誥故也予家藏小畜集有此
文以石刻校之當改正者凡十餘字集本恒山作常

山恆文作星文乃是避真宗諱追改者非誤也碑末
列名者忠果雄勇宣力功臣定武軍節度定州管內
觀察處置北平軍等使金紫光祿大夫檢校太保使
持節定州諸軍事定州刺史兼御史大夫上柱國兼
駐泊馬步軍都部署清河郡開國公食邑四千二百
戶食實封陸百戶張訓按宋制諸州置知州軍事一
人無刺史之稱節度使但爲加銜未有授本鎮者此
以定武軍節度持節定州刺史猶沿唐五代之舊蓋
沿邊州郡設官與內地異且其時去開國未久或閒
有因仍而未革者歟

潛研堂
跋尾

碑名稱法天崇道皇帝宋史真宗紀端拱二年十二月辛酉上法天崇道文武皇帝詔去文武二字餘許之此碑所題與史合前列承奉郎守左司諫知制誥柱國賜紫金魚袋王禹偁奉敕撰本傳拜禹偁左司諫知制誥而階承奉郎勲爲柱國未書也翰林待詔將仕郎守少府監主簿御書院祇候賜緋魚袋黃仲英奉敕書翰林書直將仕郎守高州樂原縣主簿御書院祇候葛湍奉敕題額湍見呂文仲傳寓直御書院與侍書王著更宿時書學葛湍亦直禁中太宗暇日每從容問文仲以書史著以筆法湍以字學又見

進說文解字序稱翰林書學臣葛湍又見李燾說文解字五音韻譜本朝雍熙三年錯兄鉉初承詔與句中正葛湍王惟恭等詳校說文是也後列銜正書字獨小有云忠果雄勇宣力功臣定武軍節度定州管內觀察處置北平軍等使金紫光祿大夫檢校太保使持節定州諸軍事定州刺史兼御史大夫柱國兼駐泊馬步軍都部署清河郡開國公食邑四千二百戶食實封六百戶張訓職官志賜號有忠亮忠勇無忠果雄勇攷却埽編中書樞密賜推忠協謀同德佐理餘官則推誠保德奉義翊戴掌兵則忠果雄勇宣

力外臣則純誠順化張訓即因掌兵賜號而志未之

及非此則蔑由識遺典矣

授堂金石
文字續跋

碑書偃伯作偃栢伯栢古通

延慶寺僧惠廣壽塔碑銘

高七尺六寸廣四尺二寸四十行行
七十字字徑九分正書在襄陽峴山

大宋襄州鳳山延慶禪院傳法惠廣大師壽塔碑銘

并序

東海潘平撰

北嶽信天書

此在前
行下

蒼澗元泉萬仞衍弥靈之頂青峯妙嶺千尋凌渤澥之
心理備三才天即地而人即法道隆千古法即人而□

石碑缺佛證菩提喜捨話三乘之性禪令頓悟慈悲開

廿八字字五業之源法雨高垂益潤等軋坤覆載元風遠布光

齊日缺達此是真如之境識心了性悟斯爲般若

之源有以見惠廣大師之旨趣也師名歸曉字

信天缺出缺光元年歲在癸未誕生

之時天地明肅清煙遶室白日凝空仁里榮觀親疎共

慶年六歲父令誦詩缺菩薩幼不食肉隨母齋

缺十旦白父母曰志求出家字番字父問曰出家何

謂云願歸清淨之門早悟真源之理唐清泰三年四月

八日年缺城延壽禪院禮清遇和尚爲師初

到缺七

家當爲何事對曰我欲見佛師云汝若志心佛

當必見自始採薪擊磬汲水添餅暑往寒來精勤靡間

朝暮掃地□□摩經至是身如聚沫不可撮摩凝然而

立云浮生

缺五

語驚喜訝之乃命闍梨□與落髮幼稟

天性雅靜雍和言直志端異常夙測大晉天福五年暮

春月十六日向邢州開元寺授戒始□毗淨威儀登般

若元門披四象之律風耀一輪之戒月神清耿耿如鷺

子□□□峯

骨

秀昂昂似飲光行於鹿苑初夏師令誦

律半月念終五年依止於師□一志精虔於旦暮師忽

問曰汝知元理□□何不往乎叅問於是辭師南北

渡水穿雲遊東洛入西□□□□□祉知識後至長水見

靈泉道人乃申一問無雲還有雨也無對云有良久沉

思又祉三拜遂□洛汭入□氏峽過黃沙里渡□淶水

千重覩高嶺之煙雲聞含珠之秀麗□□□上到卧

龍追虎之郊遇賞襄陽見解珮沉碑之浦西之廣德胃

細霧之輕煙南□含珠上巔崖之峻嶠初到時師置

起拂對曰海上龍橫人天忽見師又拈拄杖放在面前

對□□□岡測師云少年老大尔後因茲入室乃遂昇

堂言益朝昏隨流上下中秋夜師大上堂海眾雲集特

申一問明月當天爲何不照學人心意師云一輪皓色

光三界八識憊狂昧□□□斯示諭頃息機緣如四海

之閒雲似五天之孤月一從參觀六換炎涼採□□薇

以申供侍忽一旦暫辭香砌略別師顏造隨陽護國

名筵至安陸竺軋勝會有時途路上見□□□□野□

有霜宿孤峯無水齋白雲隨步步黃葉落挨挨若遇松

松裏風寒□碧崖而又前之荆渚順詣湖湘旋迴五綵

於鳳山乃掛六鐙於延慶值當院通性大師來自芭

蕉□□□□一從慕□八載依仁翊輔辛勤星霜靡閒

不期通性示寐緣終王□□園分明囑授雄慙薄鮮

退讓德人匪敢承當深增婉荷乃請首座惠超上人

開堂爲衆末由半載又□□□ 大宋建隆元年十二月十九日惠崇院主守身維那及大衆等密上請疏聞王太師願請院主曉上人開堂爲衆說法住持勿阻告投希從衆望豈謂 台情喜允又捨□天□□□大齋共申礼請於是龍幢虎節□□俗□赴以□□遠迓英賢□蓮幕金璋而濟濟衆乃榮登花座如月滿以當空信礼焚香似□花而映水坐之良久師云道德荒閑塵受□□見□□□ 媿□□□碩德吹揚遜讓未遑倍□悚惕而□□諸儀密意□在目前悟卽剎那之永□□承三請頌露一言幸對人天有疑請問尋有僧問

師唱雜家曲宗風嗣阿□對云道□□□□慈雲

法雨布人天又有僧問如何是□對云道州出矮子後

有進士樊復問生死色空如何免會對云有路易尋三

島客無門難覓九天人忝承重命但媿轉□□論古

聖興慈□□□□一佛剎至一佛剎曲□□□言

祖□元極有與青霄得□明之者目下醒醒昧之者途

中浩浩尔後禪林益茂海眾臻盈八方清信鳩英成皆

景重丹禁公卿朱紫盡忽欽依遂□水□□□□□

□□松偃盖靈禽去而瑞鳥來綠竹□□丹鳳集而蒼

龍至洎開寶二年南陽侍中張公諱永德聞師道仰

師德甚欲披雲無由覩月雖□封域俱守藩□□聆清
淨之芳音莫到白雲之嘉□是飛章表願降天衣果
蒙聖主允從特賜皇恩紫綬由是專差人使送
至鳳山表三台景望之恭虔作一旦輝今之耀古太
平興國三年壽州□□太尉王公□承衍天邊嚮
譽日下欽名遙瞻雪嶠以傾心遠望蓮臺而礼足載陳
章奏荐乞加恩沐天慈貽惠廣師名承

□□元林蒼翠致使襄江楚□高□芳名□□□□
□□傳嘉□□龍神踴躍藤蘿葑鬱映天河月島以連
雲殿閣崢嶸□_鴛瓦□梁而對日霜鍾暮擊清聲揚六

律之音月磬朝鳴□□□五音之韻師恒爲□無□□

□無仍有者一切衆生亦有衆生無者一切諸佛亦無
乃有 高品劉供奉問 龍廷金口問□何對 玉機

師對云 鳳閣龍樓遠堯雲舜日新又有□□不暮諸

聖不重□□□□對云此問太伾何不近上問又有
進士劉岳問得失是非一齊放却時如何對云這一條

□□阿誰□師云一真理性同天地以難窮五蘊靈浮

□□□□易□遂有 天水公趙普者禮讓通明玉石

金蘭作性溢良□義青松白月爲心實閭闔之笙篁乃

人倫之□鏡□師示諭不覺淒涼遂捨家財擬修壽塔

粗表精素以俟送終乃□□言願垂允許師忽聞已默
然未從憲害於人恐傷於物普又与 彭城劉氏再三

共礼方可從之洎端拱元年歲在戊子五月一日師壽
年六十六擇勝地選良時趙公以捨寶□材□□□霜
斤□□□然先立塔亭一座三間九架奇哉壯麗輪奐
□□明窈窕虛幽豁然□雅圻場了日清□至而碧霧
凝結兀圓轉玉光旋而金烏遶後有僧義永上人者天
雄□□□水精英爲柰苑之元枝作祇園之翠葉覩斯
盛事擬助良緣自□□能以修石塔眾皆忻讚不可違
之天水趙公聞之甚喜於是開山取石隨日月以忙忙

鑿壁穿崖逐寒暄而□□□□因緣契合□□心堅匠
巧材豐俄然告足乃般乃運以鑿以鑿□□□□礱之
合成莫不上下高□方圓備□周迴而山海攢攢內外
而花雲簇簇盤龍走鳳飛騰如出□奔山□□□□
似□□天□地署短拂偏如舞踏以驚人脚細胡□似
吹彈□□衆魏哉□麗□祥煙上貫三天□□□□
□□平吞九地其塔也東連東海西接西天南觀□□
洪荒北□□雲紫塞□使陵遷永在谷變恒存非憑塊
瑛辭文莫記年華日月□平才非二陸學謝三□□□
天□□□□□□□□□□又忝隨秋貢過南宮

陪丹鳳翔□□□春闌□北□□□□失意而後同之

漢上乃屆禪局蒙碩德以延容向金□而棲隱時觀水

如□□□□之□日觀□□□□□□□□□□

□上人忽將實錄□託□□□□□□□村□乃□□□□及

□□水部乏雕金琢玉之功演思雲間叙達士通仁之

記然□□□敢述大名下□□□□□爲□□曰法海

□□□□□三才齊列功□凝然天即地

也人即法焉非真非假非後非先一法生

千法千燈起一燈人間無罣礙天上有昇□

西竺□□□□南□□□□□□□□□非愛□

□□□□自在□□□□去住□□□□分明蕩□

六塵湛寂測測信行恭□端謹慈悲喜捨周圓古聖今

賢共說超生越死同□□□□□□□□□□□□□□

□□□□□□□□□□□□□□越□斯地□□源

來萬里山□四□去三秦煙□楚岫明珠浦月□襄川

漢津□□光巍哉益鎮地天披雲□□□□□□□□

□□□□□□□□□□□□□□□□□□□□□□

□□□□□□□□□□一□□□相方光三天干□□

方□□□年 宋□化甲午六月壬子朔十二日癸

亥記此行小字以下
曼患不可辨

右延慶寺僧惠廣壽塔碑銘僅見於訪碑錄而惠廣誤作廣惠宜校正之甲戌夏徐星甫差次襄陽爲予拓寄惜未得其陰也惠廣字信天不詳里貫書碑者北嶽信天豈惠廣自書壽塔邪文云□光元年歲在癸未後唐之同光也王太師者溥也張承德宋史有傳字抱一并州陽曲人王承衍字希甫史附其父審琦傳又有趙普者不署官爵非丞相趙普也

寶意寺修彌勒閣記

高二尺五寸廣一尺八寸廿三行行廿六字前後七行行字不一行書篆額題裝修彌勒大像并閣之記

十字在
武功

京兆府武功縣寶□□重修裝畫弥勒佛閣記

鄉貢進士李德用撰 進士楊翽文書 鎮遏使主

父翔篆額

夫武功縣者 唐高祖潛龍之地寶意寺者 弥

勒佛大像之居名山隱映鎮於西城麗水汪洋遶其東

□即王勃有言曰人傑地靈何處不有至若荆基立額

自述古碑壑壞葺隳聊憑新記矧茲 佛也身高百尺

閣就三層度木鳩工動盈萬數若非信心化誘特力主

張孰以興其善事也奈以年歲逾遠風□凋零虹梁歆

而鴛瓦將飛繪事暗而金身徒倚一旦有卒邑

知縣都監隴西殿直以警巡之外迎送之□下馬登臨

懸欄願望乃曰今□寢盜屏跡人民乂安稼穡爰豐

國家□□政事以簡軍旅稍閑始則□□以縣城

用嚴禦扞次則勸之以農務不使訟爭漸乃飾之以□

□□宮自光教法也觀茲丹雘欲荐補修則

前買木元公同心誘化共作維那仍有效忠都頭崔進

專勤勝事夙著道心俾爲部轄之能甚有精嚴之志於

是官寮減其清俸士庶捨以□資選匠命工立成

壯麗榱桷以之重密棟梁以之不欹佛像以之莊

嚴佳致以之幽篁或登樓而閑詠勢若飛翔或寓目以
遐觀宛如屏障今古盛事不其偉歟德用以早踐文場
乃叨鄉薦亟承請命輒叙廢興時

大宋至道三年歲次丁酉九月癸亥朔十五日丁丑建

寺主左街內禪大德道贊 小師義□ 小師義靜

小師義恭

都維那頭曹州効忠第二指揮第三都頭□進

將仕郎守主簿權縣尉呂臯 前買□元德方

殿直知縣事兼兵馬監押巡檢李崇

安臻刻字

在年
月下

右寶意寺修彌勒閣記在武功畢氏關中金石記
孫氏訪碑錄趙氏補訪碑錄均未之載惟陸氏金
石續編列此碑而有目無文茲据拓本錄之案陝
西通志武功古寺觀下引舊志云寶意寺在城內
西山又引閭鐸后稷祠記云舊在縣西南二里後
徙縣城之西坂上傍有古窑極邃松檜交集世傳
唐太宗嘗讀書於此乾封三年復建神堯別館周
顯德中歲久傾頽爲僧據爲上閣寶意寺而祠泯
矣碑但言唐高祖潛龍之地而於太宗讀書之所

寶意初建之始均未詳及也宋制竹木務享受諸
路水運材植抽算商販竹木以給營造勾當官一
人以京朝官充碑云前買木元公買木當是其屬
官吏不悉備撰書篆額人無攷主父複姓出趙武
靈王之後

真僊巖題刻十一段

在融縣

太宗御書

四石石高三尺廣六尺一寸共八字字徑二尺二三寸正書

西江 頤堂 瑞雲 精忠

右刻在融縣真仙巖四石正方各刻二字中有已亥
小璽下有御書之寶方璽按已亥至道五年也名勝

志云靈巖山又名老君洞宋咸平中改爲真仙崑頒
太宗御書百二十軸藏於內此刻自是當時所藏也

廣西通志
金石略

劉誼等唱和詩

高三尺一寸廣二尺六寸廿八
行行廿六字字徑七分正書

留題融州老君巖

權發遣提舉本路常平光祿寺□劉誼□

謾說人間假像真老君形相亦虛言巖前瑞氣歸

宸翰佛子年年□

國恩□

中有太宗御書歲度僧一
而老子之徒仍不與

鑿成巖穴鬼工難中有神仙自往還不見桃花開落處

祇隨流水到人間

龍圖閣直學士知桂州充經略安撫使曾布和

神仙遺像出天真造化胚渾豈易言訪古尋幽空有意

白頭軒冕戀君恩

鹿龍高躡九霄難共駕仙車去不還遺跡至今空有槽

不知蟬蛻此山間亳州有老子升天
槽鹿龍迹尚存

權發遣轉運使朝奉大夫直集賢院陳倩和

白石天然肖老君泉聲如誦五千言虛无妙道無人繼

却使浮屠冒寵恩

尹喜當年共出關流沙一去未嘗還必應精爽游南越

變現形儀洞元閒

權發遣提點本路刑獄秘書丞彭次雲和

仙馭淩雲去幾年九流空苦道家言何人懷古求遺像

巖穴長蒙雨露恩

儼然鶴髮與龍顏誰道乘風不復還渾俗何須窮變化

或來塵世或雲閒

權提舉常平秘書丞齊諶和

巨石何年此結成老君肖象亦強名以身爲患言猶在
謾使時人分重輕

巖前流水碧潺潺鶴馭翩翩去弗還堪笑世人求不死

豈知道在有無間

元豐六年七月一日內殿承制權知融州軍州事
錢師孟立石

汪森粵西文載劉誼元豐初提舉常平上言廣西
役錢弊法乞裁損其數遂詔吏輩月給錢遞減二
千歲遂減役錢一千二百餘緡又請罷買沈香減
鹽價四十餘事上稱其論事有陸贄之風王安石
銳意新法極諫不便坐黜歸宋詩紀事云劉誼字
宜翁長興人第進士元豐閒廣東江西提舉常平
官上疏論新法勒停隱茅山据此署銜則紀事誤

爲廣東也曾布字子宣南豐人史有傳云元豐初以龍圖閣待制知桂州進直學士與此正合湖南九龍岩題名云曾布自廣西移帥隴右元豐三年十月十三日過此是布去桂在三年冬此題元豐六年者刻石之年非卽和詩之年也又宋詩紀事云彭次雲吉水人元豐中桂林郡僚据此則是提點刑獄也粵西諸岩多有諸人題名劉誼字宜父與紀事微異貫稱吳興亦稱長興其署銜稱光祿寺丞知此刻所缺爲丞字亦稱前江山縣丞陳倩字君美貫稱浦城亦稱建安其署銜有稱尙書度

支郎中者齊諶字子期歷陽人廣西通志金石略
載此戀君恩戀誤作感

司馬溫公書家人卦

裝本高廣行字不計卦文跋語
字徑四寸許分書街名字徑二

寸許
正書

卦辭不錄

先太師溫國文正公書此於家曾孫脩因倅融水謹
摹刻於郡南老君洞之石壁紹興十有九年歲在屠
維大荒落重午日記

將仕郎試融州軍事推官錢慎 儒林郎行融州軍
事判官陳戩 通直郎權通判融州軍州事朱天申

立石 廣州觀察使廣西黔南馬步軍副總管知融
州軍州黃忱

按葉紹翁四朝聞見錄云南屏山興教寺磨崖家人
卦中庸大學篇司馬溫公書錢唐自五季以來無干
戈之禍其民富麗多淫靡之尚於齊家之道或闕焉
故司馬公書此以助風教据此碑則光常自書於家
非爲杭書也又武林舊事稱爲唐人書後人誤添刻
溫公西湖志又謂光父司馬池知杭州時書得此可
以證誤朱彝尊南屏題名据宋鑑定爲光書惜未見
此碑也

廣西通志
金石略

張說詩

高三尺四寸廣二尺五寸共十六行
詩每行十八字字徑一寸四分正書

游老君洞

營道張說霖卿

枕漱纔鍼泉石育登臨又刮山川目太清飛出離宮景
平地分爲散仙福知津有賴大夫松避道尤勒居士木
曾巒破曉霞散綺斷岸涵空霧披穀界遠都歸粟粒藏
脈近甯勞杖頭縮不愁風引輕舟却更喜村通小逕曲
妙含道德五千餘迴出洞天三十六青牛稅駕從嬾卧
寶靨回拱長蹲伏猶餘低室燦金星安用柔宗扶玉局
巖前日月自朝夕物外乾坤豈寒燠蛇靈必化第須時

豹隱唯鄰聊協卜共知容與樂無限誰想緒餘善非獨
兩柱擎天壽八荒一水爲霖登百穀深嗟晚到償疇昔
疎遊逾信宿癡兒浪作謝鯤圖坐進因明天下谷

隆興癸未九月丁酉題姪泰甯男泰符泰

維侍

廣西通志載此曾巒作層巒曾古通層又缺柔宗
字因字

賈遵祖詩

高二尺五寸廣一尺九寸十三行
行十八字字徑一寸二分正書

題真僊巖趙郡賈遵祖季承

上空
四格

翰林以謫流夜郎我亦何爲涉此境生平山水債未了

宦遊直度桂州嶺，
牂柯江繞古融城。
拂拭冠纓照清影，
舉頭忽見真僊巖。
盤空攬挐勢馳騁，
天教刻削無遺巧。
不知斤斧誰手秉，
吻如蝕月醜蝦蟆。
墓枿腹穹窿寬一頃，
尸居龍見柱下史。
宴坐似說常清靜，
貫穿石澗飛驚湍。
兩崖峽束垂機穽，
茲晨邂逅得勝踐。
身到中間發深省，
青牛昔過函谷關。
我陪五老曾造請，
依然一念浩劫初。
墮在塵埃官獨冷，
童兒徐甲今何所。
所朝從南箕，
暮東井。當時與我極綢繆，
默而禱之意相領。
扶携騰上虛皇前，
賜我金丹凌倒景。

淳熙戊戌歲中春十有五日

先聖先師像贊

高三尺六寸廣一尺五寸三截上截贊十三行行十字字徑六分行書中

截像夫子立顏子從後下截跋十四行行十二字字徑五分正書

偉哉魏、堂、人中之龍蓋千萬世凜然如生夫豈劍
佩之飾丹青之容唯其變化亡窮在九天之上九地之
下將欲搏之又超忽立乎其中雖顏氏之子力窮於步
武矧微生畝耕孫武耕彼公童於戲天不得不高地不
得不厚父子不得不親君臣不得不尊人物鬼神各由
其道无是焉將化爲禽獸賊乱者匪夫人之功也耶毛

友

以上
上截

先聖

先師像宣和間從伯祖內翰尙書手模

閣下本爲之贊而藏之家歲月滋久恐縑素朽蠹

有貌失真字畫漫漶謹臨刻于西融真仙峒使並邊之民皆得瞻仰

盛德形容而忠信篤敬之教行乎遠域然則是石之設於郡國宣明教化豈無助云迺熙十六年歲在己酉六月甲午朝奉郎通判融州兼管內勸農事賜緋魚袋毛恕謹書

易祓嚴亭賦

高四尺九寸廣二尺五寸賦十一行行

十四字徑五分正書隸額題侍讀直院易尙書真僊嚴亭賦十二字陽文

融州太守鮑公作亭於真仙巖之前長沙易祓爲之賦
其辭曰

莽芝崑之萃立兮厯磴道之委蛇慨曩日之曾閣兮訪
危亭於故基廼芟廼剔兮廼評我龜寄鍾鉤於心宰兮
付匠石以成規免翬欄以雲浮兮殆與古以爲期猗與
異哉物與人之相求兮每扞格而難逢苟襟度之弗宏
兮彼將隱伏而緘封何前節而後麾兮曾莫表其遺蹤
倏楚歌之噉咷兮廼捐顧於從容匪斯亭之傑特兮羌
邱壑於心胷試登臨而偶步兮追昔人之勝遊仰余瞻
於峭壁兮俯獨瞰於湍流旁一人之仿佛兮儼冠服以

清幽恍陳前之萬象兮森舞鳳與騰蚪宜斯亭之對峙
兮若將迎而獻鱗融川之民兮爾裳爾衣從公于亭兮
公不我違公朝而往兮山川煜乎晴暉公莫而返兮煙
雲藹其霏微樂其樂於吾民兮非公其誰與歸亂曰天
地鬼神之所秘兮不以古今爲之在亡也紛宇宙之萬
有兮於人實爲之低昂也翳達人之大觀兮固將羞崑
崙而隘八荒也歛經綸於方寸兮聊杖屨以方羊也使
後人登斯亭而懷感兮此吾融川太守之甘棠也

僊巖舊有傑閣歲月寢久漫不復存粹然假守是邦
念勝景不可湮沒因其遺址重創數椽

侍讀直院尙書易公即舊名大書以榜于亭又出

緒餘爲之賦一旦茲巖

發揮勝槩於久廢之餘舊觀復還隱然爲嶺服之重
粹然與有榮焉謹志諸石庶託不朽云嘉定二年十
二月丁卯朝奉郎權知融州軍州兼管內勸農事借
紫鮑粹然書迪功郎融州懷遠縣尉兼主簿柳之方
隸額

易祓字彥祥甯鄉人此稱長沙者以郡言也楚寶
云以時事不協謫融州移全州餘詳浯溪詩跋

貢士庫記

高六尺三寸廣七尺廿八行行三十六字
字徑一寸二分橫額題太守劉公創置貢

士庫記十
字俱正書

融州新荆貢士庫記

儲財以待貢士在在有之蓋漢人續食之遺意唯古東
甯獨於此乎闕典三歲大比士□計偕者往往躑躅于
行人或以無志功名哂之抑不知州浮陸走道長齋約
固有足其轅之東者其有能聚糧如京則亦倉皇蹙迫
憔悴酸辛安得心和氣平發其浩然見□文辭以遂其
決科之志乎玉山 劉公來守是邦政平而田里安教
行而習俗美凡事之當行而昔之未□者莫不次第而
舉麟充負曹椽每以得與聞調度爲幸一旦 公謂麟

曰此邦之士其文采亦足觀歷年寢多願未有□□□

□□常者士氣未振曷爲其然厲其心作其氣在上者

不容以□其費今郡庠教養固已不□乃若鹿鳴賓賢

郡有彝禮而餽饁不腆不足以壯其行要必有生財之

道曰資薦送而後可吾嘗會郡計之出入僅足無餘唯

輟吾之送之費可得五十萬金以是爲貢士張本求可

耕之田□可僦之廬試與士□共圖之既而營求累月

□地狹隘頃畝間架無一得焉公曰以緡錢爲貢士

庫□錢物相權曰取益焉可乎今雖寡鮮姑綿蕝於此

增而大之則俟後之君子於是置版□設庫藏募市民

之能經幹者主之月收其息而積之歲終則會而替之大比則通三歲所入之息差等而給之凡庫之區畫具載規約□既就緒人咸德

公而相與言曰夫進取

之難吾屬患也 公乃慨念及此非仁人君子之用心

疇克爾耶且宅郡之爲是舉者非以逃絕之田則籍沒

之產耳今 公之捐金乃以已之所當取而不取者爲

吾士子無窮惠是尤人之所難因合辭屬余願紀其實

以諭來者余竊謂 公之此舉其廉而惠人之所知也

其所以能爾者抑有自來人或未之知也蓋 劉氏家

學淵源故其見於行事者皆忠厚篤實之意 公之大

父□言院昔分教桂陽出宰德安一以涵養士類勤恤

□隱爲心及退而家居則開設義學以淑其族嫻鄉黨

椽筆大書紀其實行則有南軒晦庵之記在

然則公之所爲真意實德盖有所本豈直以聲音笑

貌爲哉夫公之存心其待士者不薄矣爲士者可

不知自厚以求無負於公平自今呂始由鄉舉以達

春官雍容閒暇芥拾青紫要毋以是而自安也勉而學

業養而氣節使窮達不渝險夷一致庶乎其無負焉耳

余秩滿將歸敢以是爲同志勉後有自融來者余將從

而問之果無負也則余亦與有榮焉公名繼祖字振

宗今官奉議郎分符刺融當時嘉其治行列剡邑聞實
爲郡國課最第一云紹定改元孟春旣望門生文林郎
融州司理參軍權教授零陵唐麟記門生修職郎融州
司法參軍臨慶毛奎書門生修職郎融州融水縣尉兼
主簿廬陵羅君賢題額學生州學職事覃芹張紳口思
溫黎元文王有德唐思聰莫若淵歐陽安國黎士衡黎
應時栗淵歐陽安仁陳惟德黎嬰李夢照等磨崖于老
君洞天

玉融黃昇表鐫工

案晦庵文鈔玉山劉氏義學記略曰德安有宰焉爲
政一本儒術甚以惠愛得其名問其姓名則曰玉山

劉侯也又曰劉侯名永弼字德華蓋即繼祖之大父

麟所稱晦庵之記正指此

廣西通志金石略

唐麟嘉定七年進士與唐容樂韶同學時號三傑
廣西通志所載多謬闕

唐容題名

高二尺六寸七分廣三尺六行行五字字徑三寸餘行書

零陵唐容可大以端平丙申清明日携三子亮元游真
僊巖同來者醫士蔣劫

楚紀云唐容零陵人博學強記與唐麟樂韶共學
人稱三傑舉進士爲豐城令尋知邕州交趾入寇
率兵討平之歸隱建昌之麻姑山自號雲壑老人

湖南通志選舉唐容開禧元年毛自知榜進士楚紀不言其至融此題名或即在邕州時

韓魏公書杜詩

高六尺五寸廣六尺詩十行行十二字字徑三寸五分款三行行廿二字

字徑二寸許正書

畫鵲行

杜子美

高堂見生鵲颯爽動秋骨初驚無拘攣何得立突兀乃知畫師妙功刮造化窟寫此神俊姿尤君眼中物烏鵲滿樛枝軒然恐其出側腦看青霄甯爲眾禽沒長翮如刀劍人竄可超越乾坤空崢嶸粉墨且蕭瑟紉思雲沙際自有煙霧質吾今意何傷顧步獨紆鬱

右 先侍中魏韓忠獻王書

磨貞僊崖石謹

摹錢之圖與斯巖相爲無窮此子孫之志也嘉熙

戊戌臘月望

五

世孫中散大夫知融州軍州事兼

管内勸農使□□謹題

案書史會要云韓魏公正書師顏魯公頗露圭角王
世貞謂其鋒距四出令人不敢正視此書雖經摹勒
尙可想見詩內功刮集木功作巧光君集木光作充

石刻皆勝之

廣西通志
金石略

老子象贊

高三尺二寸廣一尺四寸五分三截上截
贊六行行八字字徑九分分書中截象下

截跋廿一行行九字字
徑五分正書方界格

大哉至術縣爲自然劫終劫始先地先天舍杳默默永
劫綿綿東訓尼父西證金僊古今敬仰世代流傳八十
式化号曰元元以上上截

嘗觀

老子道德經云大象無形道隱無名就是而言則老
子德容似未易以想見也然則果不可想見乎經又有
云惚兮恍兮其中有象是亦未可以無形議之也今本
乃道士懶庵杜撰嘗刊梓印行自後失其傳久矣麤昔
得懶庵親授此本奉以香火有年于茲不敢自秘合家
發心命匠伐石刊于玉融老君巖中非邀福也盖將

期與此巖之真像同爲不朽而四方無不傳之以敬
仰云昔咸淳八年歲在壬申仲冬吉日八桂諸葛櫟謹
題

州學學諭歐陽審書

玉融周聰□鐫

杜應然見明統志云武林人隨父宦游流寓廣西
專心慕道寄跡黃冠中遍游天下名山嘉定開始
來融州歷數十年甚有功於岩觀爲羽冠中之卓
然者壽八十餘卒

右真僊巖題刻十一種在融縣曩僅得溫公書耳
同治甲戌秋吳慶臣紀雲大令攝宰馬平拓以贈

予按明統志真僊巖在融縣東五里仰視高遠青
白錯雜靈壽谿貫串中出玲瓏清響如環佩聲中
有白石巍然如天尊像舊名靈巖山又名老君洞
宋咸平中改爲真仙巖頒太宗御書百二十軸藏
於內張孝祥磨崖大書天下第一真仙之巖巖內
外石刻廣西通志載有十五種余所未得者趙□
言元豐庚元張錡癸亥戊午兩題名及劉子薦詩德祐乙亥也黨
籍碑已載萃編張孝祥書謝中丞亦未之見或在
崑頂不能拓耶又通志金石待訪錄尙有杜應然
石刻一種疑卽老子象贊

八瓊室金石補正卷八十六終